



Gwasanaeth Tân ac Achub  
De Cymru  
South Wales  
Fire and Rescue Service



Fersiwn darllen chwim

Gwasanaeth Tân ac Achub De Cymru

# Cynllun Gwella Blynyddol

Sut wnaethom yn 2022-2023 a beth rydym yn bwriadu ei wneud yn 2024-2025

CODI YMWHYBYDDIAETH  
LLEIHAU RISG

Mae'r ddogfen hon hefyd ar gael yn Saesneg



# Croeso i'n cynllun “darllen chwim”!

Mae'r ddogfen hon yn rhoi trosolwg o'n Cynllun Gwella Blynyddol. Mae'n cynnwys ystadegau a dangosyddion perfformiad i roi crynodeb o sut y gwnaethom yn 2022-23 ac mae'n manylu ar ein blaenoriaethau ar gyfer 2024-25.

Mae ein blaenoriaethau yn ein helpu i gyflawni ein cenhadaeth “Gwneud De Cymru yn ddiogelach, trwy leihau risg” ac maen nhw'n seiliedig ar nifer o ffynonellau gwybodaeth a gofynion, gan gynnwys:

- deddfwriaeth a fframwaith cyfreithiol
- perfformiad blaenorol, a pherfformiad gwasanaethau tân ac achub eraill
- anghenion byd-eang a lleol
- ymgynghori â staff, rhanddeiliaid, a'r cymunedau rydym yn eu gwasanaethu

Mae cyhoeddi'r cynllun hwn yn nodi dechrau cyfnod o ymgynghori am ein blaenoriaethau ar gyfer 2024-2025. Rydym yn gwasanaethu 10 awdurdod unedol, gan gwmpasu ardal o tua 2,800 cilomedr<sup>2</sup> (1,081 milltir sgwâr) yn Ne Ddwyrain Cymru. Gyda phoblogaeth breswyl o dros 1.5 miliwn o bobl, rydym yn amddiffyn hanner poblogaeth Cymru. Mae ein cymunedau ymhlith y mwyaf amrywiol yng Nghymru. Mae eich barn a'ch syniadau chi'n hanfodol i sicrhau ein bod yn gwasanaethu ein cymunedau yn y ffordd fwyaf effeithiol, felly defnyddiwch y manylion ar ddiwedd y ddogfen hon i gymryd rhan a helpu i lunio ein dyfodol.

Os bydd angen rhagor o wybodaeth arnoch chi am ein proses gynllunio, proffil ein cymunedau, a manylion penodol am yr hyn a wnaethom yn 2022-23, cewch weld ein [Cynllun Gwella Blynyddol](#) llawn.

## Yr Iaith Gymraeg

Rydym wedi ymrwymo i gyflawni ein dyletswydd i sicrhau nad yw'r Gymraeg yn cael ei thrin yn llai ffafriol na'r Saesneg a chefnogi'r rhai sy'n dewis cyfathrebu drwy gyfrwng y Gymraeg.

## Fersiyanau amgen

Rydym yn cyhoeddi fersiwn llawn o'r cynllun hwn ac mae'r ddau fersiwn ar gael ar ein gwefan gyda chyfleuster sain “Siaradwch y wefan” sydd hefyd yn cynnwys opsiwn cyfieithu. Os hoffech gael y wybodaeth hon mewn fformat arall, [cysylltwch â ni](#).

## Dweud eich dweud

I gael diweddariadau rheolaidd a gwahoddiadau i gymryd rhan mewn ymgynghoriadau ac arolygon, ymunwch â'n Cofrestr Rhanddeiliaid neu cysylltwch â ni gan ddefnyddio unrhyw un o'r dulliau isod. Cwblhewch yr arolwg yn [Dweud Eich Dweud](#).

### Ysgrifennwch atom

Perfformiad Gwasanaeth a Chyfathrebiadau  
Gwasanaeth Tân ac Achub De Cymru  
Parc Busnes Forest View,  
Llantrisant, CF72 8LX



Gwefan [www.decymru-tan.gov.uk](http://www.decymru-tan.gov.uk)



E-bostiwrch ni [DED@decymru-tan.gov.uk](mailto:DED@decymru-tan.gov.uk)



Galwch ni 01443 232000

Croesawn ohebiaeth yn Gymraeg a Saesneg.

Byddwn yn ymateb yn gydradd yn y ddwy iaith ac yn ateb yn eich iaith ddewisol heb oedi.

# Trosolwg o Ystadegau 2022-2023



Derbyniwyd

**34,682**o alwadau gan Gyd-reoli Tân ar gyfer ardal  
Gwasanaeth Tân ac Achub De Cymru, gan gynnwys:Cyfeiriwyd **1,052** galwad at asiantaethau eraill.**2,500**Doedd dim angen ymateb brys ar o alwadau a  
deliwyd â hwy gan Cyd-reoli Tân.

Deliwyd â

**10,413**o alwadau ailadroddus oedd yn ymwneud  
â digwyddiadau oedd yn digwydd eisoes.

Mynychwyd

**18,705**

o ddigwyddiadau.

**6,031**o Danau gan  
gynnwys:**623**o danau damweiniol  
mewn anheddau**1,228**o danau glaswellt/  
danau gwyllt**2,706**o danau  
gwastraffRoedd **71.0%**

o'r tanau a fynychwyd yn fwriadol.

**8,746**o Alwadau Ffug  
mewn ymateb i:**5,419**o larymau tân  
awtomatig**3,023**o alwadau â  
bwriad da**304**o alwadau  
ffug maleisus**3,928**o Alwadau  
Gwasanaeth  
Arbennig gan  
gynnwys:**848**o wrthdrawiadau  
traffig ar y ffordd**47**o achubiadau  
o ddŵr**3,033**o ddigwyddiadau  
brys eraill\***987**o ymweliadau  
ag ysgolion**12,309**o archwiliadau diogelwch  
rhag tân yn y cartref**655**o archwiliadau  
diogelwch tânRoedd gweithgarwch  
lleihau risg yn  
cynnwys:

\* Digwyddiadau eraill nad ydynt yn danau lle mae angen i beiriant neu swyddog fynychu.





# Ein perfformiad

Mae'r tablau isod yn rhoi trosolwg o'n perfformiad yn erbyn targedau strategol lle'u gosodwyd yn y flwyddyn ariannol er mwyn cymhau'r ffigyrau dros y ddwy flynedd. Rydym wedi cynnwys ystod o fesurau i adlewyrchu ein gweithgareddau a'n gweithrediadau busnes ill dau.

| Dangosyddion Perfformiad Strategol (DP)                                                                                  | 2022-2023             | Targed | Gwirioneddol |
|--------------------------------------------------------------------------------------------------------------------------|-----------------------|--------|--------------|
| Cyfanswm nifer y tanau a fynychwyd fesul 10,000 o'r boblogaeth                                                           | Cyfanswm Digwyddiadau | 5,601  | 6,031        |
|                                                                                                                          | DP                    | 36.79  | 39.61        |
| Cyfanswm nifer y galwadau ffug a fynychwyd fesul 10,000 o'r boblogaeth                                                   | Cyfanswm Digwyddiadau | 8,114  | 8,746        |
|                                                                                                                          | DP                    | 53.29  | 57.45        |
| Cyfanswm nifer y gwrthdrawiadau traffig ar y ffordd a fynychwyd fesul 10,000 o'r boblogaeth                              | Cyfanswm Digwyddiadau | 870    | 848          |
|                                                                                                                          | DP                    | 5.71   | 5.57         |
| Cyfanswm nifer y digwyddiadau arbennig eraill a fynychwyd fesul 10,000 o'r boblogaeth                                    | Cyfanswm Digwyddiadau | 2,467  | 3,080        |
|                                                                                                                          | DP                    | 16.20  | 20.23        |
| Cyfanswm nifer y marwolaethau ac anafiadau sy'n gysylltiedig â thanau o'r holl danau fesul 100,000 o'r boblogaeth        | Cyfanswm Digwyddiadau | 59     | 63           |
|                                                                                                                          | DP                    | 3.88   | 4.14         |
| Cyfanswm nifer y marwolaethau ac anafiadau sy'n gysylltiedig â thanau mewn tanau damweiniol fesul 100,000 o'r boblogaeth | Cyfanswm Digwyddiadau | 48     | 52           |
|                                                                                                                          | DP                    | 3.15   | 3.42         |
| Canran y Tanau mewn Anheddau a gynhwyswyd yn yr Ystafell Tarddiad (YT)                                                   | DP                    | 85.00% | 82.65%       |

| Ymateb                                                                                                                                                      | 2021-2022 | 2022-2023 | Newid        |
|-------------------------------------------------------------------------------------------------------------------------------------------------------------|-----------|-----------|--------------|
| Galwadau a driniwyd gan yr Ystafell Cyd-Reolwyr Tân (CRhT) ar gyfer ardal gwasanaeth GTADC - gan gynnwys ail alwadau ac atgyfeiriadau i asiantaethau eraill | 32,456    | 34,682    | +2,226       |
| Ystafell Cyd-Reolwyr Tân wedi delio â hyn – dim angen ymateb brys                                                                                           | 2,081     | 2,500     | +419         |
| Cyfanswm y digwyddiadau a fynychwyd                                                                                                                         | 17,502    | 18,705    | +1,203       |
| Tanau damweiniol mewn anheddau a fynychwyd                                                                                                                  | 614       | 623       | +9           |
| Tanau cynradd Bwriadol                                                                                                                                      | 604       | 610       | +6           |
| Tanau eilradd Bwriadol                                                                                                                                      | 3,363     | 3,672     | +309         |
| Y nifer o Alwadau Ffug Tân Awtomatig (GFTA) na fynychwyd                                                                                                    | 2,010     | 2,332     | +322         |
| Y nifer o Alwadau Ffug Tân Awtomatig (GFTA) a fynychwyd                                                                                                     | 4,937     | 5,419     | +482         |
| Nifer cyfartalog o beiriannau ar leoliadau mewn digwyddiadau GFTA                                                                                           | 1.53      | 1.51      | -0.02        |
| Cyfanswm Tanau Gwyllt a fynychwyd                                                                                                                           | 1,073     | 1,228     | +155         |
| Cyfanswm achubiadau o ddŵr                                                                                                                                  | 31        | 47        | +16          |
| Argaeledd Ar Alwad (P1 a P2)                                                                                                                                | 71.34%    | 65.80%    | -5.54% pwynt |




| Atal                                                                                              | 2021-2022 | 2022-2023 | Newid  |
|---------------------------------------------------------------------------------------------------|-----------|-----------|--------|
| Nifer o ymweliadau diogelwch cartref a gwblhawyd                                                  | 8,123     | 12,309    | +4,184 |
| Nifer o ddigwyddiadau addysgol a fynychwyd (gan gynnwys Crucial Crew a Chyflwyniadau Tanau Gwylt) | 1,511     | 1,320     | -191   |
| Y nifer o bobl ifanc yr ymgysylltwyd ag hwy trwy ddigwyddiadau addysgol                           | 52,597    | 50,612    | -1,985 |
| Digwyddiadau Diogelwch ar y Ffyrdd a gynhaliwyd                                                   | 154       | 178       | +24    |
| Nifer o bobl a ymgysylltwyd ag hwy drwy law digwyddiadau Diogelwch ar y Ffyrdd                    | 4,771     | 6,837     | +2,066 |

| Amddiffyn                                                       | 2021-2022 | 2022-2023 | Newid |
|-----------------------------------------------------------------|-----------|-----------|-------|
| Adeilad busnes hysbys                                           | 32,022    | 32,878    | +856  |
| Archwiliadau diogelwch tân busnes a gwblhawyd                   | 702       | 655       | -47   |
| Hysbysiadau gorfodi diogelwch tân a ddyroddwyd o dan Erthygl 30 | 117       | 42        | -75   |
| Hysbysiadau gwahardd a ddyroddwyd o dan Erthygl 31              | 13        | 3         | -10   |
| Erlyniadau am dramgwyddau o dan Erthygl 32                      | 1         | 3         | +2    |

| Pobl                                                                                  | 2021-2022 | 2022-2023 | Newid        |
|---------------------------------------------------------------------------------------|-----------|-----------|--------------|
| Trosiant Staff                                                                        |           |           |              |
| Adolygiadau Personol (AP) a gwblhawyd (Cam 1)                                         | 73.7%     | 61.6%     | -12.1% pwynt |
| Lefelau Ymgysylltu â Staff (a adroddwyd mewn Adroddiadau Cyhoeddus - sgôr allan o 10) | 7.6       | 8.0       | +0.4         |
| Cyfanswm o ddamweiniau y gellir eu hadrodd I RIDDOR                                   | 4         | 4         | 0            |
| Ymosod ar griwiau                                                                     | 29        | 22        | -7           |
| Sifftiau/diwrnodau a gollwyd fesul unigolyn – staff gwisg Dyletswydd Gyflawn          | 15.82     | 14.58     | -1.24        |
| Sifftiau/diwrnodau a gollwyd fesul unigolyn –Staff Rheoli Tân                         | 44.28     | 47.97     | +3.69        |
| Sifftiau/diwrnodau a gollwyd fesul unigolyn – Staff Anweithredol                      | 13.09     | 15.68     | +2.59        |

| Cyfrifoldeb Corfforaethol                   | 2021-2022 | 2022-2023 | Newid  |
|---------------------------------------------|-----------|-----------|--------|
| Ôl troed carbon (tunelli CO <sup>2</sup> e) | 7,804     | 9,188     | +1,384 |
| Cwynion a dderbyniwyd                       | 38        | 61        | +23    |
| Sylwadau cadarnhaaol a dderbyniwyd          | 151       | 82        | -69    |





Meddwl a chyfathrebu'n gyflym, heb gynhyrfu ac yn achub bywydau... Mae staff yr Ystafell Cyd Reoli Tân yno i gefnogi ein criwiau a chynnig cymorth i alwyr mewn argyfwng.

## Mae'r tudalennau canlynol yn manylu ar ein Themâu Strategol ynghyd â'n hamcanion a blaenoriaethau arfaethedig ar gyfer 2024-2025



### Eich Cadw'n Ddiogel

#### Mae hyn yn golygu...

Byddwn yn darparu ataliad rhag, ac amddiffyniad rhag, argyfyngau i gadw ein cymunedau'n ddiogel. Mae tystiolaeth yn awgrymu y bu ein gweithgareddau ataliol yn hynod ddylanwadol wrth ostwng argyfyngau yn ystod y blynyddoedd diweddaraf - tuedd rydym yn awyddus i'w gynnal a gwella. Un o'r sbardunau allweddol ar gyfer ein rhaglen ymgyrchoedd ataliol yw'r wybodaeth rydym yn caffael gan, ac yn rhannu â sefydliadau eraill, sy'n caniatáu i ni ddatblygu ymgyrchoedd penodol ar sail tystiolaeth ystadegol.

#### Ein Hamcanion:

- Gostwng effaith larymau ffug ar ein hadnoddau
- Lleihau nifer y tanau yn y cartref a deall eu hachosion a'u hymddygiadau
- Gostwng nifer y Gwrthdrawiadau Traffig ar y Ffyrdd (GTFF)
- Lleihau nifer y tanau bwriadol
- Gwella diogelwch yn y dŵr ac o'i amgylch
- Gwella diogelwch tân mewn adeiladau yn ein cymunedau

#### Bydd ein blaenoriaethau yn 2024-2025 yn cynnwys:

- Addysgu a chynghori ar ofynion y Gorchymyn Diogelwch Tân, i sicrhau bydd y rhai hynny sy'n rheoli gweithleoedd neu rannau cyffredin adeiladau sy'n cynnwys dau neu fwy o eiddo preswyl yn ymwybodol o'u cyfrifoldebau. Byddwn hefyd yn eu cynghori a'u cefnogi ar y ddeddfwriaeth newydd a'r cyfarwyddyd
- Sicrhau rydym yn cymryd agwedd gyfannol sy'n seiliedig ar risg wrth ddanfôn adnoddau atal a diogelu
- Gwell ein defnydd o ddata a deallusrwydd i dargedu'r rhai hynny sydd fwyaf mewn perygl rhag tân yn effeithiol
- Dyrchafu ein hymdrechion i gyfathrebu negeseuon diogelwch dŵr i'r rhai hynny sydd fwyaf mewn perygl
- Addysgu perchnogion adeiladau a rheolwyr ynghylch effaith larymau ffug ar y Gwasanaeth a'u busnesau
- Paratoi ar gyfer effaith newid hinsawdd ar ein cymunedau (er enghraifft, cynnydd mewn tanau gwyllt a llifogydd) a gweithio â phartneriaid i leihau'r effaith



## Ymateb i'ch Argyfwng

### Mae hyn yn golygu...

Byddwn bob amser yn sicrhau ein bod yn darparu ymateb effeithlon ac effeithiol i'n cymunedau pan fydd angen. Golyga hyn bod angen pobl sydd wedi'u hyfforddi i'r safon uchaf arnom a'r offer diweddaraf sydd ar gael i sicrhau na fydd diogelwch ein cymunedau byth yn cael ei beryglu. Byddwn yn parhau i fuddsoddi yn ein diffoddwyr tân a'n Staff Cyd-reoli Tân i sicrhau y cânt ymateb i'r amrediad eang o ddigwyddiadau rydym yn wynebu nawr ac i'r dyfodol.

### Ein Hamcanion:

- Ymateb yn effeithiol pan fyddwch wir ein hangen
- Gwneud popeth y gallwn i sicrhau bydd ein diffoddwyr tân System Ddyletswydd Ar Alwad ar gael
- Hyfforddi ein diffoddwyr tân, ein staff rheoli tân brys a staff eraill i ymateb i risgiau cyfredol a risgiau'r dyfodol yn ein cymunedau

### Bydd ein blaenoriaethau yn 2024-2025 yn cynnwys:

- Adolygu ein rhaglen hyfforddi gweithredol mewn ymateb i argymhellion Adolygiad Thematig Llywodraeth Cymru
- Sefydlu newidiadau i gyrsiau hyfforddi gyrwyr mewn ymateb i Adran 19 o Ddeddf Traffig Ffyrdd 2006 a monitro unrhyw effaith cyrsiau estynedig
- Datblygu gweithio cydweithredol drwy law grŵp Rheolwyr Hyfforddi Cymru gyfan, gan ganolbwyntio ar gyflenwadau ac integreiddio gyda gweithgor sy'n seiliedig ar risg
- Gweithredu canlyniadau ein hadolygiad strategol Ar Alwad mewnol
- Diweddariad/uwchraddiad systemau ar gyfer Cyd-reoli Tân





## Gweithio â Phartneriaid



### Mae hyn yn golygu...

Mae gennym hanes sefydledig a balch o weithio gyda'n partneriaid i ddarparu gwelliannau mesuradwy, arbedion effeithlonrwydd ac i gwrdd â gofynion y dyfodol. Bydd hyn yn cynnwys cyfrannu at flaenoriaethau strategol a chynorthwyo wrth wella llesiant cymunedol. Rydym yn cydnabod buddion gweithio mewn partneriaeth â sefydliadau eraill i gyflenwi gwasanaethau gwerth gorau i'r cymunedau rydym yn cyd-wasanaethu a bod rhannu gwybodaeth a sgiliau wrth galon dyfodol ein Gwasanaeth.

### Ein Hamcanion:

- Gweithio â Byrddau Gwasanaethau Cyhoeddus (BGC) i gefnogi ein cymunedau
- Gweithio â'n partneriaid i ddarparu ein gwasanaethau lle maent eu hangen
- Adolygu a gwerthuso ein partneriaethau cyfredol

### Bydd ein blaenoriaethau yn 2024-2025 yn cynnwys:

- Gweithio mewn cydweithrediad â phartneriaid i adnabod y rhai hynny sydd fwyaf mewn perygl yn ein cymunedau
- Gwellu ein trefniadau rhannu data i gefnogi gweithio mewn partneriaeth
- Datblygu ein trefniadau ar gyfer gweithio mewn partneriaeth i sicrhau bydd y rhai hynny sy'n cyfranogi yn gallu gwireddu'r budd mwyaf o'u hymrwymiad
- Eithafu cyfleoedd ar gyfer cyd-leoli a hyblygrwydd, gan addasu'r portffolio eiddo yn unol â risgiau cymunedol a gofynion gweithredol newydd
- Ymgysylltu â phartneriaid ac asiantaethau eraill ar sail agwedd gydweithredol i leihau ein heffaith amgylcheddol



## Ymgysylltu a Chyfathrebu

### Mae hyn yn golygu...

Byddwn yn gwella'r ffordd rydym yn cyfathrebu a cynnwys ein staff, ein cyfranddalwyr, ein cymunedau a'n partneriaid wrth feithrin agwedd gadarnhaol at gyfathrebu. Mae cyfathrebu'n flaenoriaeth allweddol wrth sicrhau fod ein staff, ein cyfranddalwyr, ein cymunedau a'n partneriaid yn ymwybodol o'r gwaith rydym yn ymgymryd ag ef, yr heriau rydym yn wynebu a'u bod yn gallu bod ynghlwm wrth lunio ein gwasanaethau i'r dyfodol. Credwn y gallwn ddarparu ein negeseuon allweddol yn effeithiol wrth sicrhau ffocws parhaol ar addysgu, ymgysylltu a chyfathrebu. Gall gweithio cydlynus fel rhan o gymuned sydd â chysylltiadau da ddarparu gwelliant ehangach nag wrth weithio'n unig, a thrwy hynny'n sicrhau gwell cyfleoedd i gadw preswylwyr, busnesau ac ymwelwyr De Cymru'n ddiogelach.

### Ein Hamcanion:

- Cynnwys ein cymunedau a sicrhau eu bod yn cael llais yn yr hyn rydyn ni'n gwneud
- Helpu cadw ein cymunedau'n ddiogel wrth ddarparu addysg diogelwch a mynychu digwyddiadau cymunedol

### Bydd ein blaenoriaethau yn 2024-2025 yn cynnwys:

- Cyfathrebu gwell gwybodaeth ar bwy ydyn ni a beth ydyn ni'n ei wneud
- Gweithio â staff, cyfranddalwyr, cymunedau a phartneriaid i weithredu argymhellion yr Adolygiad Diwylliant Annibynnol, a chyd-greu gwelliannau i'r Gwasanaeth
- Gofyn i'n staff sut allwn wella ein cyfathrebu
- Dechrau gwaith i ddatblygu Fforwm Dinasyddion, yn caniatáu i leisiau amrywiol saernïo'r gwasanaethau rydym yn darparu
- Mapio ein gweithgareddau a'n cyfranddalwyr i sicrhau ein bod yn cynnwys grwpiau priodol
- Cydnabod gwaith gorsafoedd wrth gefnogi a chynnwys cymunedau



# Diogelu a Gwella ein Hamgylchedd



## Mae hyn yn golygu...

Rydym yn gwybod bod gan ein gweithgareddau effaith ar yr amgylchedd rhyngwladol a lleol ac rydym yn ymroddedig i leihau unrhyw effeithiau negyddol. Rydym wedi datblygu Cynllun Lleihau Carbon a Chynllun Bioamrywiaeth sydd, gyda'i gilydd, yn cynnig ystod o gamau sy'n canolbwyntio ar leihau ein heffaith amgylcheddol ac yn diogelu ac adfer ein systemau biolegol. Rydym yn ymroi i anwesu mathau o ynni adnewyddol i gefnogi cynaliadwyedd ac amcanion amgylcheddol DLI CD.

## Ein Hamcanion:

- Gweithredu a chorffori polisïau a gweithdrefnau cynaliadwy
- Archwilio cyfleoedd i ddad-garboneiddio ein fflyd
- Gostwng ein defnydd o ynni a'n hôl troed carbon
- Ystyried sut mae ein gweithgareddau'n effeithio'r amgylchedd
- Gostwng swm y gwastraff a gynhyrchwyd

## Bydd ein blaenoriaethau yn 2024-2025 yn cynnwys:

- Gwella ein rheoli gwastraff wrth ddefnyddio data a gasglwyd ar ffrydiau gwastraff
- Parhau i ddatblygu ein hymateb i danau gwyllt
- Dechrau datblygu ein gorsaf carbon niwtral cyntaf
- Parhau'r uwchraddiadau i'n cyfleuster hyfforddiant tân gwirioneddol i leihau effaith amgylcheddol
- Mesur effaith ein gweithredoedd ac adrodd ein cynnydd,
- Gweithio â phartneriaid i ddiogelu ein hamgylchedd
- Adnabod ffyrdd o ddyrchafu a datblygu ein hardaloedd lles a'n mannau gwyrdd





## Defnyddio Technoleg yn Dda

### Mae hyn yn golygu...

Defnyddio technoleg yn well i wella ein prosesau a'n systemau i'w gwneud yn addas at y dyfodol, gan ein bod yn cydnabod fod hyn yn chwarae rôl hanfodol yn sut rydym yn darparu ein gwasanaethau. O'n technegau a'n cyfarpar diffodd tân gweithredol i'n systemau cefnogi swyddfa gefn, bwriadwn eithafu dyrchafiadau technolegol i gefnogi a gwella'r ffyrdd rydym yn darparu gwasanaethau. Bydd datblygiad technolegol yn gwneud cyfraniad cadarnhaol i lesiant ehangach ein staff a'r cymunedau rydym yn gwasanaethu, yn sicrhau bydd adnoddau gweithredol yn y man gorau i ymateb yn effeithiol i ddigwyddiadau.

### Ein Hamcanion:

- Defnyddio'r dechnoleg a'r offer mwyaf addas i wella ein gwasanaethau
- Adolygu ansawdd a'r defnydd o dechnoleg ac offer ar hyd y Gwasanaeth

### Bydd ein blaenoriaethau yn 2024-2025 yn cynnwys:

- Uwchraddio systemau cyfathrebu mewn peiriannau tân i ddarparu cymwysiadau ychwanegol ar gyfer defnydd amser ar y pryd
- Gwneud defnydd mwy effeithlon o TGCh i ymgysylltu â'n gweithlu gweithredol
- Cynyddu'r defnydd o dechnoleg symudol
- Gwella cydweithredu digidol a chyfleoedd gwaith
- Darparu hydwythedd cynyddol a diogelwch i'n systemau TGCh
- Darparu adnoddau ychwanegol i gefnogi prosiectau newydd ac sydd ar waith ar gyfer Cyd-reoli Tân



## Gwerthfawrogi ein Pobl



### Mae hyn yn golygu...

Dylai ein gweithlu gynrychioli'r cymunedau rydym yn gwasanaethu, a bod yn amrywiol, yn gydradd ei werth, ac â mynediad i ddatblygiad a chyfleoedd proffesiynol. Bydd ein Cynllun Pobl, Cynllun Cydraddoldeb Strategol a'n Strategaeth Iechyd Meddwl a Llesiant yn cefnogi ein gwaith ar recriwtio, y bwch cyflog rhwng y rhywiau, cynhwysiant ac iechyd ac yn helpu datblygu'r diwylliant a'r ymddygiadau sydd eu hangen o fewn ein Gwasanaeth. Bydd hyn yn darparu gwelliannau nid yn unig i staff cyfredol/y dyfodol ond hefyd y rhai sy'n defnyddio ein gwasanaethau. Bydd cynnydd yng nghyfranogaeth ein staff i'n fforwm ar-lein Shout yn ein helpu ni i ddeall materion staff yn well ac yn caniatáu i fwy o staff gyfrannu'n haws yn yr hyn rydym yn gwneud.

### Ein Hamcanion:

- Denu gweithlu sy'n adlewyrchu a chynrychioli ein cymunedau
- Datblygu ein pobl wrth adnabod cyfleoedd hyfforddi a datblygu
- Cefnogi ein pobl i deimlo'n dda, yn iach ac wedi'u gwerthfawrogi yn y gwaith
- Cyflawni argymhellion adroddiad Buddsoddwyr mewn Pobl
- Annog a chefnogi diwylliant dwyieithog ar draws y Gwasanaeth

### Bydd ein blaenoriaethau yn 2024-2025 yn cynnwys:

- Ymateb i ganfyddiadau'r Adolygiad Diwylliant Annibynnol
- Trawsnewid ein swyddogaethau Gwasanaethau Pobl i ddarparu cymorth gweithredol optimwm a rhoi pobl wrth galon popeth a wnawn
- Adolygu cyfraddau dargadwedd Ar Alwad
- Datblygu a monitro hyfforddiant i'r staff cyfan i ddarparu datblygiad sgiliau craidd, e.e., TGCh



## Parhau i Weithio'n Effeithiol

### Mae hyn yn golygu...

Rydym yn bwriadu arddangos gwerth am arian ar bob adeg ac yn darparu ein gwasanaethau am gost sydd gyda'r isaf posib a'r safon uchaf posib. Wrth ystyried faint i'w wario, mae'r angen i wella'r ffordd rydym yn darparu gwasanaethau a lleihau risg yng nghymunedau De Cymru'n parhau'n flaenoriaeth i ni. Byddwn yn gweithio ar gynllunio canol a hirdymor, gan ddatblygu ffyrdd newydd o weithio a darparu ein gwasanaethau yn wyneb yr her ariannol barhaus a phroffiliau risg newidiol ein cymunedau. Byddwn yn cefnogi Aelodau'r Awdurdod Tan ac Achub ac yn darparu iddynt y wybodaeth sydd angen arnynt i gynnal eu rolau arweinyddol a chraffu yn effeithiol.

### Ein Hamcanion:

- Bod yn eglur a'n atebol i'r cyhoedd
- Eithafu gwerth am arian wrth wella ein gwasanaeth
- Darganfod ffyrdd o weithio'n well a chlyfrach

### Bydd ein blaenoriaethau yn 2024-2025 yn cynnwys:

- Archwilio ffyrdd o fonitro a gwerthuso canlyniadau ein gweithgareddau, gan gynnwys gweithgareddau atal, i sicrhau eu bod yn parhau i wneud pobl yn ddiogelach
- Sicrhau tryloywder ac atebolrwydd wrth gynhyrchu gwybodaeth gyrchadwy, eglur i'r cyhoedd
- Sicrhau'r gwerth orau i'r cyhoedd drwy law gweithdrefnau caffael teg a grymus, cydweithredu, gweithio mewn partneriaeth ac wrth ystyried Strategaeth Ariannol Ganoldymor y Gwasanaeth



Gwasanaeth Tân ac Achub  
De Cymru  
South Wales  
Fire and Rescue Service



AR-ALWAD  
ON-CALL

15



# RECRIWTIO NAWR

#BYDDWCH **MWY**

DIDDORDEB MEWN BOD YN  
DDIFFODDWR TÂN AR ALWAD?

Sganiwch y côd QR isod a gwnewch gais **NAWR!**



CYMRAEG



[www.decymru-tan.gov.uk](http://www.decymru-tan.gov.uk)



Gwasanaeth Tân ac Achub  
De Cymru



South Wales  
Fire and Rescue Service

Gwasanaeth Tân ac Achub De Cymru  
Parc Busnes Forest View, Llantrisant, CF72 8LX

01443 232000

[www.decymru-tan.gov.uk](http://www.decymru-tan.gov.uk)



@TanDeCymru



@TanDeCymru



@sw\_fire\_and\_rescue